

آبونه شرائطی

داخلی ، خارجی هریر ایچون
سنه لای (۲۵۰) ، آتی آیانی
(۱۳۰) فروشدر .

[نسخہ سی ۵ فروش ،
سنه لای ۵۲ نسخہ در .]

اداره خانه

باب عالی جاده سنده دائرہ مخصوصه

اخطارات

آبونه بدلی پشیندر

مسلسله ، وفاق آثار مع المنونہ
قبول اولنور ، درج ابدلین
یازیلر اعاده اولونماز .

کتابخانه

۱۳۳۰

دینی ، فلسفی ، علمی ، ادبی هفته لاق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر مسئول
اشرف ادیب

اتیموز اهدکم بیل الرشاد

عدد : ۳۶۲

۹ شوال

نخشبہ

۱۸ تموز ۳۳۴

جلد ۱۴

اخطارات
آدرس تبدیلیانده آریجه بش
کوندرلیدر .

مکتوبلرک امضالری واضح
واوقوناقلی اولمسی و آبونه صره
نومروسی محتوی بولمسی لازمدر .

ممالک اجنبیه ایچون آبونه
اولانلرک آدرس لری نلک قرانلر .
جده یارلمسی رجا اولنور .

یاره کوندرلیدی زمان نه به
داثر اولدیغنلک واضحاً یلدرلمسی
رجا اولنور .

غدا نه قدر لازم ايسه، روحلری تربیه ایدم جک حریت ده او قدر لازمدر. بونک ایچون حریتی انسانلر آزار؛ نه یوله استحصالی ممکن ايسه چاره سنی بولور، یاپار. نه یه مال اولورسه اولسون مردلر فداکارلنی اختیار ایدرک عاقبت حریته صاحب اولور.

ایشته بودفعه انقلاب زماننده داخلی روسیه مسلمانلرینک خطالرینک اساسی ده شو نقطه در. بوحقیقتی ادراک ایدم مدینلر کندیلرینه «حریت و پرله جک» ظن ایتدیلر. بیلیم یکرمنجی عصرک مدینتندن، بیلیم روسلرک مرچتندن، هرزودنی ايسه هپ هوادن اوجوب کله جک بر حریتی بکله دیلر. بکلمی اوتوز بیک عسکری؛ طوبی، تفکی، میترا یوزی، سواریسو ایله برابر؛ اون آی طرفنده طوبلادقلری بوتون قوتلرینی، اسکی آمرلرینک بر «کری»؛ قومانداسی قارشوسنده درحال طاغیتدیلر. برمدتجک اولسون مقاومت ایدم مدیلر. انقلاب میداننده کوستردکاری بوتون مهارت؛ برایکی دفعه طوبلانه رق برطاقم کوزل سوزلر سویلک، پارلاق نطقلر ایراد ایتمکدن عبارت اولدی.

حریتی آلمق ایچون جانلرینی بیله فدادن چکینمیه جکاری یرده بیچاره مسلمانلرک حقوق مشروعه لرینی مدافعه ایچون طوبلادقلری میلیونلرجه پارملری - اوتوز قرق بیک مسلح قوت الارنده اولدینی حالده - صانکه آمال ملیه نك جنازه مراسمنه صرف ایدرجه سنه کوتوروب بولشه ویکیلرک الله تسلیم ایتدیلر. یورکر یاقان بو حالک یکانه سبی، حریتی، مرحمت، یاخود مدنیت ویکرمنجی عصر اقتضاسی اوله رق ویره جکار اعتقادینه ذاهب اولملرندن باشقه برشی میدر؛ یوقسه بدایه «حریت آینه جقدر، چونکه حریت بزه لازمدر، حریت بزم سبب حیاتمزددر. بناء علیه هر نه بیایه اولورسه اولسون بز حریتی آله جفز.» دیه رک حاضر لائش اولسه ایدیلر، ایشه کیریشدکاری زمان بتون ترتیبات وتشکیلاتلری اوکا کوره اولوردی. هر نوع فداکارلقلری کوزه آیرده «قربان کسمدکجه بایرام اولز» دیر، بتون موجودیت وقدرت لرینی بواوغورده صرف ایدرلر، البته آیرلردی وبوسایده عصرلرجه چکدکاری اشکنجه لردن قورتوله رق بختیار اولورلردی. مع مافیه یأسه دوشمیه محل یوقدر. روسیه ده انقلاب هنوز نهایت بولمش دکلدرد. دها برچوق صفجه لر، دوره لر کچیره جکدر. روسیه مسلمانلری بو آجی امتحانلردن متنبه اوله رق، کچمش قصورلری تمامیه اعتراف ایدرک ظهور ایدم جک فرصتلردن استفاده ایچون خلوص نیت ایله وال برلکیلله، کال عزم و متانتله چالیشه جق اولورلرسه، بعنایه الله تعالی موفق اوله جقلرینه شبهه یوقدر.

عبدالرشید

میراثیدی کبی اولانلر استخفاف واستحقارلرنده دوام ایتسونلر. کنهیلری کبی، تحقیر وازدرالربنک ده اصلا قیمتی، اهمیتی یوقدر.

فرید

مقالات

روسیه ده کی انقلاب

بوانقلابدن داخلی روسیه مسلمانلرینک استفاده سی

عصرلرجه مظالم واشکنجه لر آلتنده ازیش، عصرلرجه چکیان اسارت نتیجه سی اوله رق مذله آلیشمش، مسکینانه یانامه یه انسیت کسب ایتش بر ملتک زنجیر اسارتدن استخلاصی بکده قولای اوله مایه جفی طبعیدر. قانون طبیعت مقتضاسی اوله رق حریت و سربستلک عمر میتله نوع بشرک حق مشروعی اولدینی، هر اهل بصیرت و هر اهل حقوق ده بونی اعتراف وتصدیق ایتدیکی حالده نه غریب برجلوه تاریخیه درکینه برچوق ملتلر اسارت آلتنده ایکله بورلر، درلو درلو اشکنجه لره تحمل ایدیورلر. بو، بی بشر ایچون برنوبت خسته لنی کبی عاتا غیرقابل اجتناب بریلیه عمومیه حالی آلمشدر.

اساساً خلقت بشرده حریت و حریتیه محبت بر امر طبیعی و ضروری اولدینی جهته هرکس حریتی سور، دائما حریتک مفتون اولور. باخصوص انسان نور عرفان ایله تنور ایتدکجه بتون بتون حریتک پرستشکاری اولور.

لکن شونی ده نظردن دور طوتما ملیدرکه حریتی هرکس کندی ایچون سور، کندی ایچون ایستر. حریتی الله ایتک ایچون هر نه کبی اسبابه توسل لازم کلورسه، هر نه کبی فداکارلق اختیار ایتک ایجاب ایدسه هپسنی قبول ایدر؛ حریت اوغورنده هر محنته، هر زحمته قاتلانیر. فقط بوتون بوفداکارلقلر هپ کندی ایچوندر. یوقسه باشقه سی ایچون دکلدرد. برده حریت دائما آنور. هیچ کیمسه طرفندن ویریلز.

بوحقیقت افراد بیننده بویله اولدینی کبی ملتلر آراسنده ده بویله در. بونک ایچوندرکه هر ملت حریت و سربستی یی آلمق ایچون چالیشیر؛ بوخصوصه هر نه کبی فداکارلق لازم ايسه هپسنه قاتلانیر؛ قاتلر، جانلر فدا ایدر، عاقبت حریتی آلور.

دنیا خلق ایدیللی بری تک بر مثال کوستریله مزرکه حریت ویریش اولسون. فردلر اولسون، ملتلر اولسون، دائما اوغراشه اوغراشه احراز حریت ایتشلر، اسارتدن قورتولمشلردر.

حیات بشر ایچون تنفس ایدم جک هوا، وجودی بسله یه جک